



Vår dato:

27.04.2021

Vår ref:

2021/4110

Dykkar dato:

Dykkar ref:

NDHQHG

STEIN MAGNAR ASKELAND-GJERDE  
Tysværvgåvegen 225  
5570 AKSDAL  
Att. Stein Magnar Askeland-Gjerde

Kontakt saksbehandlar  
Birgit Sundbø Hagalid, 51568891

## Løyve til planting av utanlandsk treslag til juletreproduksjon 21/20 Tysvær

---

**Statsforvaltaren gjev løyve til å plante 20 nordmannsedelgran og fjelledelgran på eit område på 0,5 dekar på eigedom 21/1 i Tysvær kommune. Løyvet gjeld i 10 år fram til og med 2031.**

**Løyvet er gjeve på følgjande vilkår:**

- Alle tre omfatta av løyvet skal hoggast før dei startar produksjon av spiredyktige frø og seinast 15 år etter planting. Eigaren av arealet er ansvarleg for hogsten.**
  - Eigaren av arealet skal ved førespurnad kunne vise fram dokumentasjon på kva område og kva tid plantinga fann stad<sup>1</sup>.**
- 

Me viser til søknad motteke 14. april 2021 om løyve til å plante utanlandsk treslag til juletreproduksjon på 21/1 i Tysvær kommune.

### Bakgrunn

Du søker om å plante 20 nordmannsedelgran (*Abies normanniana*) og fjelledelgran (*Abies lasiocarpa*) på eit område på 0,5 dekar teikna inn i kart vedlagt søknaden. Føremålet med plantinga er juletreproduksjon.

### Heimel

Utsetting av utanlandske treslag krev godkjenning frå Statsforvaltaren i samsvar med forskrift om utsetting av utenlandske treslag til skogbruksformål. Forskrifta er heimla i naturmangfaldloven § 28, § 30 og § 31. Føremålet med forskrifta er å hindre at planting av utanlandske treslag gir uheldige konsekvensar for naturmangfaldet, jf. § 1 i naturmangfaldlova.

Det er sentralt å sikre at forvaltingsmåla for naturtypar og artar ikkje blir truga av dei utanlandske

---

<sup>1</sup> Forskrift om utsetting av utanlandske treslag § 10



artane, direkte eller indirekte, jf. naturmangfaldlova §§ 4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8-12. I tillegg vurderer Statsforvaltaren andre viktige samfunnsinteresser, jf. § 14.

## Kunnskapsgrunnlag

### Om kunnskapsgrunnlaget (nml § 8)

Me finn tilfredsstillande kunnskap om naturmangfaldet på arealet som er søkt planta og områda rundt, og god kunnskap om det omsøkte treslaget. Statsforvaltaren vurderer at det er tilstrekkeleg vitskapeleg og erfaringsbasert kunnskap i denne saka, jamfør nml § 8.

### Om treslaga

Nordmannsedelgran og fjelledelgran er vurdert til låg risiko for spreiing (LO) i Fremmedartslista til Artsdatabanken (2018). Treslaga er eigna til juletreproduksjon.

### Om utplantingsfeltet

Området som er søkt planta er på 0,5 dekar og definert som bebygd areal i AR5. Området ligg i ein randsone mellom våningshuset og fulldyrka mark, og består per i dag av lauvkratt. Det er ikkje registrert norske ansvarsartar eller truga artar på området som skal plantast til. Det har ikkje kome fram opplysningar som kan tyde på at det finst andre artar eller naturtypar som det er eit ansvar for å ta vare på, jamfør forvaltningsmåla i naturmangfaldlova §§ 4 og 5, på sjølve utsettingsområdet.

### Området rundt plantefeltet

I nærleiken av plantefeltet ligg Gjerdevatnet registrert som rik kulturlandskapssjø med B-verdi (viktig). Sjøen blei registrert i 2003 og ligg 100 meter frå plantefeltet (figur 1). Den er ein viktig lokalitet for grasender<sup>2</sup>. Det er observert 6 truga fugleartar i området rundt sjøen (Artskart).

## **Statsforvaltaren si vurdering**

Trea skal plantast i ein kantsone mellom bebyggelse og fulldyrka mark. Kantsonar kan vere habitat for mange artar. Størrelsen på tiltaket og omfanget av andre kantsonar i området tilseier likevel at plantinga ikkje vil føre til risiko for uheldige følger for artar knytt til kantsonar.

Plantefeltet ligg 100 meter frå den viktige kulturlandsskapsjøen Gjerdevatnet. Treslaga et ikkje knytt til stor risiko jamfør Fremmedartslista (2018). Ved juletreproduksjon blir også trea felt før dei set spiredyktige frø. Me kan difor ikkje sjå at plantinga vil medføre uheldige følger for naturmangfaldet.

Produksjonsmetoden avgrensar risikoen for spreiing i seg sjølv, men det er likevel viktig å sikre at trea ikkje får moglegheit til å produsere spiredyktige frø. Ved eit løyve set me difor vilkår for å hindre eventuelle negative verknadar for naturmangfaldet.

<sup>2</sup> <https://faktaark.naturbase.no/?id=BN00037929>



Figur 1. Plantefeltet (blått) og kulturlandskapssjøen Gjerdesvatnet (stipla lysegrøn linje).

## Vedtak og vilkår

Statsforvaltaren gjev løyve til å plante 20 nordmannsedelgran og fjelledelgran på eit område på 0,5 dekar på eigedom 21/1 i Tysvær kommune. Området er merka av på kart vedlagt søknaden og vedtaksbrevet. Vedtaket er heimla i forskrift om utsetting av utenlandsk treslag til skogbruksformål.

Løyvet er gjeve på følgjande vilkår:

- Alle tre omfatta av løyvet skal hoggast før dei startar produksjon av spiredyktige frø og seinast 15 år etter planting. Eigaren av arealet er ansvarleg for hogsten.
- Eigaren av arealet skal ved førespurnad kunne vise fram dokumentasjon på kva område og kva tid plantinga fann stad<sup>3</sup>.

Løyvet gjeld i 10 år fram til og med 2031. Etter dette må du søke nytt løyve for gjeldande areal og treslag. Vedtak med vilkåra for dette løyvet skal gjerast kjend for ny eigar ved eventuelt eigarskifte<sup>4</sup>.

<sup>3</sup> Forskrift om utsetting av utanlandske treslag § 10

<sup>4</sup> Forskrift om utsetting av utanlandske treslag § 9



## Klagerett

Skogeigar kan klaga på vedtaket innan 3 veker etter å ha mottatt dette brevet, jf. forvaltningslova sine reglar. Ein eventuell klage skal sendast til Statsforvaltaren i Rogaland. Dersom Statsforvaltaren ikkje gjer om eige vedtak, skal klagen handsamast av Miljødirektoratet.

## Kontroll

Statsforvaltaren eller Miljødirektoratet fører tilsyn med at utsetting av utanlandske treslag skjer i samsvar med bestemmingane i forskrifta. Dette inkluderer tilsyn av dokumentasjon på internkontroll og tilsyn av område utsett for eventuell spreiling frå plantefelta.

## Forvaltingstiltak

Me vil minna om at dette løyvet er gitt med heimel i forskrift om utsetting av utanlandske treslag til Skogbruksformål. Forskrifta krev at den som er ansvarleg for utsettinga skal opptre aktsamt og treffen tiltak for å hindre spreiling av utanlandske treslag<sup>5</sup>. Det er tiltakshavar som må dekke kostnadane ved å hindre eller avgrense skade på naturmangfaldet<sup>6</sup>. Dette omfattar tilsyn og fjerning av tre som eventuelt spreier seg ut frå plantefelta. Naturmangfaldloven krev også miljøforsvarlege teknikkar og driftsmetoder<sup>7</sup>. Dette inneberer at plantinga må skje på ein slik måte at naturen rundt ikkje tar unødvendig skade.

Løyvet sett ikkje til side anna lov og forskrift. Anna viktig lovverk i denne samanheng er kulturminnelova og vassressurslova.

Kopi av vedtaket blir sendt til kommunen som lokal skogbruksmyndighet.

Med helsing

Anfinn Rosnes  
Fungerande landbruksdirektør

Birgit Sundbø Hagalid  
rådgiver

*Dokumentet er elektronisk godkjent*

## Vedlegg

- 1 Kartvedlegg
- 2 Søknad om planting av utanlandske treslag til juletreproduksjon

## Kopi til:

Tysvær kommune Postboks 94 5575 Aksdal

<sup>5</sup> Forskrift om utsetting av utenlandske treslag til skogbruksformål §8-10

<sup>6</sup> Forskrift om utsetting av utanlandske treslag § 10

<sup>7</sup> Naturmangfoldloven § 12